

POLELO YA BAPHATLALATŠI BA DITABA
KATOLOŠO YA LETŠATŠI LA MAKGAOLAKGANG LA GO FAELA LE
DITEFELO TŠA EMP201

Tshwane, 8 Julae 2025 - Ditirelo tša Motšhelo tša Afrika Borwa (SARS) maabane di itemogetše palo ya godimo yeo e bego e sa letelwa yeo e bakilego gore mekgwatšhomo ya rena etšeye sebaka go šoma go feta ka moo re bego re letetše. Re lemogile gore bengmešomo ba bangwe ba itemogetše ditiego ka dithomelo tša bona tša EMP201 tša kgwedi ka kgwedi gomme ka lebaka leo re tla eleletša go se beye dikotlo le tswala tša mabapi le bengmešomo bao mohlomongwe ba be ba tla be ba obametše.

Tshepetšo ye ya tefelo e laolwa ke ditemana tša 2(1) le 14(2) ya Šedulu ya Bone ya Molao wa Motšhelo wa Letseno wa 58 wa 1962, wo o laetšago Lefela ka ge o Gola, (PAYE), Sekhwama sa Enšorense ya go Felelwa ke mošomo (UIF) le Lebi ya Tšwetšopele ya Mabokgoni (SDL) le thomelo ya foromo ya EMP201 mo matšatšing a 7 ka mafelelong a kgwedi fao tšhelete e bego e swareleletšwe go tšwa go megolo yeo e lefetšwego bašomi.

Go ya ka karolo ya 3 ya Molao wa Motšhelo wa Letseno, Khomišinare wa SARS o na le maatla a go ikgethela go katološa matšatši a makgaolakgang. Ka tirišo ya maatla ao, Khomišinare wa SARS o katološeditše letšatši la makgaolakgang la go faela le go lefela go Mošupologo, wa la 14 Julae 2025.

Se se ra gore ka lebaka la sephetho se SARS e ka se diriše dikotlo le tswala go bengmešomo bao mohlomongwe ba ka bego ba be ba obametše.

Balefela motšhelo ba hlohleletšwa go romela dipušetšo tša bona tša EMP201 pele ga la 14 Julae go efoga dikotlo tša go latelwa.

Go hwetša tshedimošo enngwe, ka kgopelo ikgokaganye le SarsMedia@sars.gov.za